

13411

ՍԵՆՏԵՆՆԵԳՐՈՒԹՒՒՆ

ԵՒ

ԿԵՐԳԵԳՐՈՒԹՒՒՆ

ԺՈՂՈՎՐԴԵԱՆՆ ԿԱՅՈՑ ՈՐ Ի ՔԱԻԱ

Զոր Բարգձմեաց Ե Կառնդերէն Բնակիչ

ԽԱՉԻՍ Ա. ԹՈՎՄԱՍ



Ի ՔՐՈՒԳԸ

Ի ՏՊԱՐԱՆԻ ԱՄԵՆԱՓՐԱՉԵԱՆ

ՈՐՐՈՑ ՎԱՆԱՑ

342

U-15

1881

2

2010

12-28-10

342
1-15

48

25262-աԿ



4393-56

Թարգմանեալ օրենսէ :

ՅԵՆՈՒՆ ՏԵԼՈՒՆ ԸՐՔԵՅԻ

ԸՄԵՆԻՇԽԱՆ ԴԱԽԱՐԱՐ ԸՐԵՒԵԼԵԱՆ
ՀՆԴԿԱՑ ՀՈԼԱՆԴԱՑԻՈՑ .

Ի ԽՈՐՀՐԴԵԱՆ

Առ ամենեսին , որոց պարզեքս այս ելցեն , ողջոյն :

Գիտացէ՛ ամենայն մարդ ,

Օրի կշռեալ նորա զնամակ աղաչանաց մատուցեալ 'ի
Յ . Յարութիւնայ և յայլոց ևս օմանց , յորոց կազմի Ատեան
ժողովրդեան Հայոց 'ի Ճաւա . որով խնդրի 'ի նմանէ հաւա-
նել ընդ Սահմանադրութիւնս և ընդ կարգադրութիւնս Միա-
բանութեան նոցա սահմանելոյ յանսահման թիւս ամաց , և
գրել զայն յանձնաւորութիւն :

Ըստ զօրութեան 1 . 2 և 3 պայմանաց Արքունի
վճռոյն , որ 'ի 28 Մարտի 1870 . թիւ 2 (Խմբագիր Պետութեան
Հնդկաց թիւ 64) և 20 , 29 , 31 և 33 պայմանաց կարգա-
դրութեան 'ի տեսչութիւն Հնդկաց Հօլանդացոց :

Հաճեցաւ իմանալ

Ընդ սահմանադրութիւնս և ընդ կարգադրութիւնս
ժողովրդեան Հայոց 'ի Ճաւա , որպիսիք ընդ նամակի աղաչա-
նաց նոցա կցորդեալք , հաւանել , և զմիաբանութիւն նոցին
համարել իբրև զմարմին անձնաւոր :

Եւ զի մի ոք չգիտանս սյառճառեսցի զայսորիկ ,
հանցի սա 'ի խմբագիր Հնգկաց և Հորանդացոց , և 'ի լեզու
Հնգկաց և Ճեհաց :

Հրաման է դարձեալ զի ամենայն դրանիկ Պետք և
Պաշտօնեայք , Գործակալք և Ատենակալք տացին իւրաքան-
չիւր ըստ կարգի հսաղանդել սմա ճշդիւ առանց ակնառու-
թեան :

Արարեալ 'ի Բուխնչորիս 'ի 6 Յունուար 1880 :

Փ^ն Լ^ն-Էէրի
Հանրական Ատենադպիր
Պանդուկ :

(ԽԷ-ԳԻ ԲԻ- 7)



Սահմանադրութիւն և Կորգարդութիւն Ժողովրդեան Հայոց 'ի Ճաւա :

ԱՆՈՒՆ ԺՈՂՈՎՐԴԵԱՆՆ :

Պայման 1. Ե 'ի Ճաւա Ժողովուրդ , որ դաւանի ըդ-
կրօնս ֆրիստոնէութեան ըստ կարկաց Հայաստանեայց Եկե-
ղեցոյ , և կօչի Ժողովուրդ Հայոց 'ի Ճաւա :

ԳԱՍ ԺՈՂՈՎՐԴԵԱՆՆ :

Պայմ. 2. Ի դատու Ժողովուրդեանն են ամենայն Հայ
ֆրիստոնեայք՝ որ բնականան 'ի Ճաւա , և կամեցին դասակցել
նմին :

Պայմ. 3. Են Ժողովուրդեանն այլ և այլ գոյք և
կալուածք յիշատակելիք 'ի սասրև , զորոց զմուսս պարտե
վարել որպէս նշանակեալ 'ի սմին սահմանադրութեան :

ՀԱՆՐԱԿԱՆ ԺՈՂՈՎՐԴ :

Պայմ. 4. Ամի ամի յամենան Ապրիլի և յաշախազոյն
ևս 'ի հարկ լինել ըստ կարգադրութեանս այսմիկ , կամ 'ի
դէպ դատել Ատենին յանձանձանաց , և կամ 'ի գրով ինդրել
գէթ 5 ոմանց 'ի Ժողովուրդեանն , որոց գուցէ զօրութիւն ձայ-
նի կամ վարկի , Ի Ատենան , որ անուանեսցի 'ի ստորև , կրչես-
ցէ բոլոր դասակցաց Ժողովուրդեանն Ժողով հանրական , որ
միշտ գումարեսցի 'ի Բատաւիա :

Պայմ. 5. Ժողովոցս այսոցիկ հաղորդ լիցին ամենայն
արու Հայք , որոց բնակուի իցէ թէ 'ի Բատաւիա , և թէ այ-
լուր 'ի Ճաւա . այսր աղագաւ ազդ պրասցէ Ատենան միով
ամսով յառաջ որպէս զիարդ և մարթիցի նմա զօր , զժամ
և զսեղի , և 'ի դէպս սնսովոր Ժողովոց , զիւնդիրս իսկ նոցին :

Աթոռակալ Ատենին յանձանձանաց վարեսցէ ըզ-
ժողովս :

Ատենադպիր նորա կալցի զյիշատակարան նոցին :

Պայմ. 6. Ընդունելի լինցի 'ի ժողովի վարկ արուաց
միայն, որոց լցեալ իցեն ամք քսան և մի, և բնակութիւն կա-
լեալ գոնէ զամս երկուս 'ի ճաւա կղզոջ :

Ի պառակտել կարծեաց զերաւանց վարկի ուրուք
'ի ժողովի, առաւելութիւն վարկից, որոց յայտնի իցեն իրա-
ւունք, հատցէ վճիռ :

Պայմ. 7. Որոց ըստ վերագոյն պայմանին անզօր իցեն
ձայնք, է նոցա խորհրդական և եթ վարկ :

Այլ յառաջարկել ուրուք և կամ ոմանց 'ի զօրա-
ւոր ձայնաւորաց, մարթի ժողովոյն աւելեօք ձայնից մատու-
ցանել ումք կամ ոմանց յանձայնից անտի զերաւունս զօրու-
թեան ձայնի :

Պայմ. 8. Ի չկարել որոց այլուր բնականան 'ի ճաւա,
իւրովի գալ 'ի ժողով հանրական, մարթի կարգել նոցա ե-
րեսփոխանս 'ի զօրաւոր ձայնաւորաց, որոց լինին իրաւունք
տալոյ զվարկս և 'ի դիմաց նոցին :

Այլ մի լինցի ումք մատուցանել զվարկս առաւել
քան զհինգ համայն ընդ անձին և ընդ այլոց :

Պայմ. 9. Ամենայն խնդիրք վճարեսցին աւելեօք
ձայնից :

Այլ աւելեաց պէտք են երկից չորիւր մասին ներկայ
վարկից 'ի փոփոխութիւնս առնել 'ի սահմանադրութեանս,
'ի վաճառել և 'ի գնել զանշարժուն իրս, և կամ 'ի շքել
զպէտս մտից նոցա և 'ի ծախել այլազգ՝ քան է յիշատակեալ
և սահմանեալ 'ի ստորև :

Ի գուգաթիւ դիպել երկուստեք ձայնից, լինցի նա-
խագահին երկրորդ իմն ձայն վճռական :

ՎԱՐ ԶՈՒԹ Ի ԻՆ ԺՈՂՈՎՐԴԵԱՆՆ

Պայմ. 10. վարչութիւն ժողովրդեանն յանձն լինի

B

հսկից ոմանց 'ի դատու Հայոց, և անուանի Հանրական Ատենա
Յանձանձանաց ժողովրդեան Հայոց 'ի ճաւա :

Պաշտօնեայք Ատենին ընտրին յերիր ամի 'ի տարեոր
հանրական ժողովի կատարեալ աւելեօք ձայնից, այսինքն է
աւելի քան կիսով թուոյ ներկայ վարկից :

Ի չգտանել ուրուք իսկոյն զայս կատարեալ առաւել-
ութիւն ձայնից, վերստին արկցին ձայնք զերկոցունց՝ որ զա-
ռաւելադոյն կալան ձայնս, և 'ի դէպս այսպիսիս պարտ է եր-
կոցուն նոցա, զորոց ձայն արկանի, չտալ զվարկ իւրեանց :

Յետ երկից ամաց հրաժեշտ առնուն, այլ նոյն հե-
տայն մարթի ընտրել նոցա անդրէն :

Յորոց 'ի Բատաւիա միայն բնակին, լինցին պաշտօ-
նեայք Ատենին Յանձանձանաց :

Պայմ. 11. Ի հրաժարել ուրուք 'ի պաշտօնէից Ա-
տենին չև ամացս երկից բոլորեալ, կամ 'ի վճարիլ 'ի կենաց
և կամ 'ի մեկնել այլուր, հարկ է այլոց 'ի նոցանէ գումա-
րել 'ի միում ամսոջ ժողով հանրական առ 'ի ընուլ զտեղին :

Պայմ. 12. Ընդ առնուլ Ատենին զկոչումն, ընտրեսցէ
իսկ և իսկ 'ի միջոյ իւր նախագահ, Ատենադպիր և Գան-
ձակալ :

Պայմ. 13. Յաջորդ անուանքս առցեն 'ի սկսուածի
զդէմն պաշտօնէից Ատենին :

Յովհանն Յարութիւն իբր նախագահ

Լ. Գ. Ա զանուր իբր Ատենադպիր

Գ. Ե. Գաւապար իբր Գանձակալ

Ս. Ա. Թովմաս և Յովհաննէս Ը. Սարգիս :

Պայմ. 14. Ատենն բաժանէ զպաշտամունս 'ի պաշ-
տօնեայս իւր, և ինքնին կարգ դնէ զբաղանաց իւրոց :

Գումարի երբ և կարեւոր թուեսցի Աթոռակալին, և
կամ թէ խնդրեսցէ ոք 'ի պաշտօնէից զայն :

Ի գումարութիւն ժողովոյ Ատենի խնդրի ներկայ-
ութիւն գոնէ երկից 'ի պաշտօնէից նորա :

Ամենայն խնդիրք վճարեսցին աւելեօք ձայնից :

Ի հաւասար բաժանել ձայնից, լիցի Աթոռակալին երկրորդ վարկ 'ի վճիռ :

Պայմ. 15. Ատեանն բերէ զգէմն ժողովրդեանն առաջի օրինաց և այլուր, առնէ վասն նորա զկարևորս ամենայն օւրեք, յանձանձէ զամենայն կալուածս և զգոյս նորա, և զաւանդս, որ ընդ խնամով նորա իցին. ստանայ զմուտս նոցա և տայ զձեռակիր ստացից, և ոչ անցանելով զյաջորդ սահմանօք, զօրէ շրջել յանուն ժողովրդեանն զանշարժուն իրս, և յայլս հանել զկացեալս ընդ անուամբ և կամ ընդ ձեռամբ ժողովրդեան, փոխ տալ այլոց արծաթ ընդ գրաւականաւ, և կամ ընդ պատշաճաւոր երաշխեօք, կաղմել զկարևոր մուրհակս նոցին, զեկուցանել որոց տուեալ է արծաթ 'ի վաշխի, և յետս խնդրել զայն, լուծանել զգրաւս, հանել հրապարակաւ զկալուածս 'ի վաճառ ըստ իրաւանց օրինաց, կամ թ զօրութեան անդարձ գրոյ փոխանորդութեան, գնել և վաճառել 'ի գէմն ժողովրդեանն զթղթեան յարգուն (Շէր), և յաղաքս այսր ամենայնի տալ և առնուլ զամենայն մուրհակս :

Այլ 'ի գնել և 'ի վաճառել զանշարժուն իրս, և յարձանագրել զնոսին, չիք Ատենին իշխանութիւն՝ եթէ ոչ տացի նմա այն յատուկ 'ի հանրական ժողովոյ աւելեօք ձայնից ըստ 9 պայմանին :

Ի աւականութիւն է Ատենին կարգել զօք և կամ զերկուս ոմանս 'ի պաշտօնէից իւրոց յարձանագրել 'ի դիւանի զգին, զվաճառ և զգրաւ կալուածոց, զլուծումն գրաւաց, զարձակութիւն երաշխեաց և մուրհակաց, և որ 'ի կարգին :

Այս պաշտօնէից պարտ է 'ի ցոյց իշխանութեան իւրեանց ածել զքաղուածոցս յիշատակարանի ժողովոյ Ատենին :

Պայմ. 16. Տացէ Ատեանն յամենայն ամսեայ ժողովս իւր հանել զմատեանս և զհաշիւս ամոյն պնացելոյ, և զուգակշռեսցէ զնոսին ընդ առձեռն գրամոց գանձուն :

Կալցի զսխառակարան ժողովոց իւրոց և զպատճէն նամականւոյն :

14

Պայմ. 17. Ատենին յանձնէ յարդիւնս ածել զվրճիոս հանրական ժողովոց, զօրէ նա դնել կարգս ներքինս, և ընդունի զմուտս այլ և այլ կալուածոց և ընչից ժողովրդեանն, այլ պարտ է նմա պատկանել կամ գործ դնել զմուտս զայն միայն 'ի պէտս՝ որ նշանակին ուրոյն ուրոյն 'ի ստորև :

Եթէ ոչ ստիպեալ յանակալ դիպաց, որ հարկիցին զառ ժամայն ծախս ոչ 'ի վեր քան զվեց հարկւր զիւր դրաց ըստ ամի, մի լիցի Ատենին յայլ պէտս ծախել զմուտս ժողովրդեանն մինչև զայն սահմանեալ հանրական ժողովոյ :

Հոգ լիցի Ատենին բնաւ իսկ մի յաւելուլ ելից քան զմուտս գոյիցն :

Պայմ. 18. Ի հանրական ժողովի գումարելոյ ըստ սովորութեան ամի ամի յամենանն Ապրիլն, յայտնեսցէ Ատեանն զանցս տարւոյն անցելոյ, և առաջի արարեալ զմատեանս, զհաշիւս, զցոյցս, զմուրհակս կալուածոց, զգիրս պարտոց, զթղթեան յարգուն և զկշիռս գանձուն, տացէ համար զյանձանձանաց իւրոց :

Հաշիւքն սարօք նոցին դիցին յառաջագոյն զթղթեանեակ մի յնթերցութիւն և 'ի քննութիւն ժողովրդեանն 'ի ժամատան, ուր գումարեսցին սովորաբար ժողովքն հանրականք :

Այլս հաստատութեան ժողովրդեանն և գոյ 'ի խնամ նոցին :

Ե Կ Ե Ղ Ե 8 Ի :

Պայմ. 19. Ժողովրդեանն է եկեղեցի կառուցեալ 'ի Բատալիա յանուն սրբոյն Յովհաննու, և նուիրեալ 'ի պաշտօն քրիստոնէական կրօնից: Շինուած եկեղեցւոյն ապահարկեցաւ 'ի Պետութեանէն հրովարտակաւ, որ յամի 1853 'ի 3 Օգոստոսի, և անկանի 'ի խորան Ծ, 'ի մասն Գ, 'ի թիւ 409, 'ի գետնահարկ թիւ 8926, և արձանագրեալ 'ի մուրհակ սեփհականութեան, որ յամի 1853 'ի 18 Հոկտեմբերի 'ի թիւ 574 :

Պատկերի պահ շինուածոյ եկեղեցւոյս 'ի պաշտօն
կրօնից Հայոց և 'ի ռոճիկ Քահանայի հոգասցին 'ի մտից գո-
յիցն, որք են :

1. Կալուած կանգնեալ յԱրքայադաշտ անուն հը-
րապարակի 'ի Բատաւիա, 'ի Դաս Մ. 'ի Մասն 3. 'ի Հատ-
ուած Գ. 'ի Թիւ 109, 'ի Գետնահարկ 5616 : Կալուածս
այս գրեցաւ յանուն եկեղեցւոյ սրբոյն Յովհաննու ըստ մուր-
հակի սեփհականուէր յամի 1861 'ի 27 Մայիսի 'ի Թիւ 454 :

2. Լ'մենայն շարժուն իր, Թղթեան պարտուց,
փոխք ընդ երաշխեօք և գրաւականք ըստ մատենից և արձա-
նագրաց եկեղեցւոյն որոշեալք 'ի նոյն պէտս :

Ո Ի Ս Ո Ի Մ Ն Ա Ր Ա Ն :

Պայմ. 20. Ժողովուրդն 'ի պահ զիտուութեան հայ-
րենի լեզուին 'ի միջն մանկուոյն Հայոց յայսմ կղզւոջ, և 'ի-
սնուցանել և 'ի դաստիարակել զմանկտին զայն 'ի պիտանի
յօդուածս ընկերութեան, եղ 'ի Բատաւիա Դպրոց անուն Մա-
նուկ և Յարութիւնեան Ուսումնարան, ընդունելի լեալ Պի-
տուութեանն հրովարտակաւ, որ յամի 1855, 'ի 22 Գեկտեմբե-
րի 'ի Թիւ 23 :

Ի ըստմն ծախուց այսր Ուսումնարանի և վարձուց
վարժապետաց նորա, և կամ Թէ առ 'ի չգոյէ բաւական Թը-
ուոյ աշակերտաց յերթալ և 'ի կրթել յուսումնարանին,
Ատեանն արժան համարեցի հաւանութեամբ ժողովրդեանն
հայթայթել մանկուոյն Հայոց յայսմ երկրի զառանձին կը-
թութիւն հայրենի լեզուին, վարեցին մուտք անշարժուն
իրաց և հասից գրեցոց յանուն Ուսումնարանին, որք են Մթե-
րանոցք երկու, որ կան 'ի Կալիբսար հրապարակի 'ի Բատա-
ւիա 'ի Դաս Գ. յԱրևմտեան մասին, 'ի Թիւ 39 և 40 ըստ
մուրհակաց գնոց, որ յամի 1861 'ի 3 Յունիսի 'ի Թիւ 464
և 466, 'ի Գետնահարկ 4832 և 8394 :

Տուն մի կանգնեալ 'ի Տանբանդ Թաղի 'ի Բատաւիա,
'ի Դաս Մ. 'ի Մասն 3. 'ի Հատուած Գ. 'ի Թիւ 82 ըստ մուր-

հակի գնոց, որ յամի 1856 'ի 8 Գեկտեմբերի, 'ի Թիւ 677
'ի Գետնահարկ 7753 :

Տուն մի կանգնեալ 'ի Սկօտ փողոցի 'ի Բատաւիա 'ի-
Դաս Մ. 'ի Հատուած Գ. 'ի Թիւ 91 ըստ մուրհակի գնոյ, որ
յամի 1877 'ի 12 Նոյեմբերի, 'ի Թիւ 1040 'ի Գետնահարկ
8333 :

Լ'լ ամենայն շարժուն իր, Թղթեան պարտուց, փոք
ընդ երաշխեօք, և գրաւականք որոշեալք ըստ գրոց և ար-
ձանագրաց 'ի նոյն պէտս :

Պայմ. 21. Պարտ է զէթ միում 'ի վարժապետաց
Ուսումնարանին լինել աղբաւ հայ և բաւական յուսուցանել
մանկուոյն զլեզուն հայեցի :

Պայմ. 22. Եթէ մուտք շարժուն և անշարժուն իրաց
ըստ 20 պայմանին պատկանեալք 'ի դարման և 'ի պահ Ու-
սումնարանին, և կամ 'ի մատակարարութիւն առտնին ուս-
ման յաւելուցուն քան զերջ 'ի պէտս նորին, 'ի կիր արկցի
յաւելուածն հաւանութեամբ ժողովրդեանն 'ի կառոյցս հան-
դունաւոր դպրոցաց Հայոց և յայլ տեղիս, և կամ 'ի տալ չը-
քաւոր մանկուոյն Հայոց վայելել 'ի վարժօ այլուր :

Հ Ա Յ Կ Ե Ա Ն Մ Ի Ա Բ Ա Ն Ո Ի Թ Ի Ի Ն :

Պայմ. 23. Ի նպատ չքաւոր այրեաց և որբոց Հայոց,
և 'ի դաստիարակութիւն անինչ մանկուոյն արար ժողովուր-
դըն կամաւոր հանգանակաւ զգոյսընդ անուամբս Հայկեան Մի-
աբանութիւն :

Սովին որորմածութեան խորհրդով ժողովեալ ար-
ժաթն երեալ է 'ի վերայ Մթերանոցի կանգնելոյ 'ի Կալիբսար
'ի Բատաւիա, 'ի Դաս Տ. յԱրևելեան մասին, 'ի Թիւ 34, և
կացելոյ այժմ յանուն եկեղեցւոյ սրբոյն Յովհաննու ը մուրհակի
գնոց, որ յամի 1863 'ի 7 Սեպտեմբերի 'ի Թիւ 685 'ի Գետ-
նահարկ 8967 : Երեալ է դարձեալ արժաթն 'ի շարժուն
իր, 'ի փոխք ընդ երաշխեօք, և 'ի Թղթեան պարտուց և
գրաւուց, որպէս երևեսցի 'ի մատենից Միաբանութեանն :

Մին լինելի Ատենին այլազգ 'ի կիր արկանել զմուստ
այսր գոյից , քան զոր ասացան վերագոյն ըստ բուն և ներ-
քին կարգադրութեան նոյն Միաբանութեան :

Պայմ. 24. Բաց 'ի կալուածոցն , զորոց բանք եղեն
վերագոյնս , արձանագրեալ են դարձեալ յանուն եկեղե-
ցւոյ սրբոյն Յովհաննու՝ յետադայքս :

Թ. Մթերանոց կանգնեալ 'ի Կալիբոսար 'ի Բատա-
ւիա 'ի Դաս Թ. յԱրևելեան մասին , 'ի Թիւ 12. ըստ
մուրհակի գնոց , որ յամի 1857 'ի 26 Հոկտեմբերի 'ի Թիւ
813 'ի Գետնահարկ 5323 : Այս Մթերանոց է Ամենա-
փրկչեան անուն վանացն Զուղայ յԻսպահան 'ի Պարսս , ըստ
մուրհակին գրելոյ 'ի Բատաւիա յամի 1859 'ի 13 Հոկ-
տեմբերի 'ի Թիւ 75. առաջի Մինսէն անուն նոտարի հա-
սարակաց , ուստի մուտք նորա սրբեալ 'ի ծախուց , լինին
'ի կամս նոյն վանաց :

Ք. Մուրհակ արձանագրեալ յատենի իրաւանց
յառաջին գրաւական տան կանգնելոյ յԱրքայադաշտ հրա-
պարակին 'ի Բատաւիա 'ի Դաս Մ. 'ի Հատուած 4 , 'ի-
Թիւ 149 , ըստ գրոյ գրաւուն , որ յամի 1871 'ի 18 Մար-
տի 'ի Թիւ 20 :

Գ. Այլ ևս գրաւականք և գլուխք դրամոց յանձ-
նեալք 'ի վարչութիւն եկեղեցւոյ սրբոյն Յովհաննու , և
յանուն նորա գրեալք , որք ըստ մատենից և արձանագրաց
նորին այլոց են , որոց և տացի համար ընդ մտից նոցին ,
որք են :

Մուրհակք առաջին գրաւականաց արձանագրեալք
յատենի իրաւանց 'ի վերայ անշարժուն իրաց , որք են :

Կալուած կանգնեալ 'ի Բոջունգ հրապարակի 'ի-
Սմարանգ 'ի Թիւ 901 , ըստ մուրհակի սեփականութեան
'ի Թիւ 401 , ըստ գրոյ գրաւու , որ յամի 1877 'ի 27 Նոյ-
եմբերի :

Երկու վիճակք գետնոյ եղեգնեայ շինուածովք ,
որ 'ի նոսա , 'ի Քամպոն Բլետանգ 'ի Բոյտնչորիս 'ի Գետ-
նահարկ 71 և 318 :

16

Յայլ և այլ աւանդս յայտոսիկ յանձնեալն 'ի խնամս
Եկեղեցւոյն՝ է գոյք ինչ կացեալ յանուն Գանձանակի Տը-
նանկաց Զուղայ , և յապահովեալ այժմ , որպէս երևեսցի
յայտեալ 'ի մատեանս և 'ի յիշատակարանս Եկեղեցւոյն :
Մուտք այսր գոյից՝ ծախեսցին յօգնութիւն կամ 'ի նպաստ
չբաւոր Հայոց Զուղայ քաղաքի մերձ յԻսպահան 'ի Պարսս ,
'ի ձեռն խնամակալաց կամ վարչաց Գանձանակի Տնանկաց
կարգելոց անդանոր :

Պայմ. 25. Եւ զի առ կազմութեան այժմու ժողո-
վոլեան՝ Եկեղեցի սրբոյն Յովհաննու , Մանուկ և Յարու-
թիւնեան Ուսումնարան և այլ գոյք գումարեալք վերա-
գոյն՝ համարին յայսմ հետէ յօգնածք և եթ նորա , և կան
ամենեքին ընդ յանձանձանօք ժողովուրդեանն , և չիք ևս
նոցա վարչութիւն ուրոյն , յանձն է Ատենին հոգալ փոփո-
խել և ուղղել զարձանագրիս անշարժուն իրաց , պարտուց
և գրաւուց կացելոց այժմ՝ որիչ որիչ յանուն կի՞ յանուանս
գոյիցն այնոցիկ , 'ի հասարակաց դիւանի արձանագրուե-
կալուածոց և գրաւականաց , որպէս զի փոխանակեսցին
մուրհակք անցնելոր որ ոչ ևս են ըստ պատշաճի , ընդ
կազմելոցն յանուն ժողովուրդեանն ըստ օրինի :

Պայմ. 26. Ի փոխանակել վաճառիւ կամ այլազգ
զվերագոյն յիշատակեալ անշարժուն իրս և զփոխս ընդ ե-
րաշխեօք այլոց անշարժուն իրաց և փոխոց , մուտք փո-
խանակացն լինին և վարեսցին միշտ 'ի պէտս նոյն նպատա-
կի կալուածոցն , զոր փոխանակեցին :

ԱՆ ԿՈՒՄՆ ԺՈՂՈՎՐԴԵԱՆՆԵ՛ :

Պայմ. 27. Ի չմնալ 'ի ժամանակի իմիք աւելի
քան զերկու գլուխս աղգատոհմից 'ի ժողովուրդենէ աստի ,
լուծցի սա ըստ օրինաց , և ամենայն կալուածք , գրաւա-
կանք , գոյք և շարժուն իրք յիշատակեալք 'ի վերագոյն՝
անցցեն 'ի ժողովուրդ Հայոց 'ի կացեալն ընդ Թեմով Կա-
թուղիկոսին կամ Հայրապետի Եկեղեցւոյն Հայոց , որ նստի

այժմ 'ի վանս Եջմիածնի յերևան 'ի Ռուսականն Հայաստան :

Պարտ լիցի յայնժամ Հայրապետին զամենայն շարժուն և անշարժուն իրս ժողովորդեանս Հայոց 'ի Ճաւաղնել տալ ամս տասն չէ յանձանձանօք աւանդապահաց քնակելոց 'ի Բատաւիա, և կարգելոց հաւանութեամբ ատենի խորհրդականաց իւրոց, այն է Սինհոզոսին : Պարտ է յայնժամ Հայրապետին դնել և դարմանել զԴպրոցս 'ի զուտ միտիցն կիսոյ, զորոյ զերիս չորիւր մասունս վարեցէ նա 'ի պէտս ուսմանց քրիստոնեայ մանկանց 'ի Հայաստան, և ըզմիւս չորիւր մասն յօգուտ ուսմանց մանկանց Հայոց 'ի Զուղա մերձ յիսպահան 'ի Պարս :

Միւս կէս մտիցն պահեսցի և յաւելցի 'ի զլուխ անդր :

Իթէ յարիցէ դարձեալ զայնու ժամանակաւ ժողովուրդ Հայոց 'ի Ճաւա, անկ լիցի նմա ստանալ զպահեալ կէս մտիցն, և վարել նովաւ չշէիւ որպէս նշանակեալ է 'ի սահմանադրութեան աստ :

Յոչ յառնել այլոյ ժողովորդեան Հայոց զամս տասն 'ի Ճաւա, ըստ վերջիշէլում իշխանութիւն լիցի Նաթուղիկոսին համաձայն ընդ Ատենի խորհրդականաց իւրոց Թողուլ զզրուխ դրամիցն աստ ընդ յանձանձանօք, և կամ զամենայն կալուածս վաճառել, և ժողովել զամենայն հասարտաքինս ընդ սովին պարտականութեամբ, զի զամենայն արծաթն զիցէ նա վերստին ընդ շահեկան ապահովութեամբ, և մտից նորին կարգեսցէ և դարմանեսցէ զվարժարանս Հայոց, զերիս չորիւր մասունս մտիցն ծախեալ յօգուտ քրիստոնեայ մանկանց 'ի Հայաստան, և զմիւս չորիւր մասն 'ի պէտս մանկանց Հայոց 'ի Զուղա մերձ յիսպահան 'ի Պարս :

Պատճէն այսր սահմանադրութեան յղեսցի նորին Սրբութեան և Ատենի խորհրդականաց նորին, որպէս զի ակնարկութեամբ նախակարգ հատուածոյն կացցէ մնացէ առ նմա միշտ :

ԿԱՏԱՐ ԱՆ

Մտենին յանձն է խնդրել յամենիշխան Կաթարարէ Հնդկաց Հորանդացւոց զհաւանութիւն այսր սահմանադրութեան և զյօդաւորութիւն ժողովորդեան Հայոց 'ի Ճաւա :

12 Յունուար 1881 :

Թարգմանեաց

Խաչէ Աբրահամ Թովմա

Ուղիղ Թարգմանութիւն 'ի Հորանդերէն Բնագրէն

(2 էւ") Ա. Պ. Աղանորբեան

Երբնեւ Բարգ Լուի



13411

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

2013

« Ազգային գրադարան »



NL0046290

